

故宮
珍本
集刊

廣東府州縣志

共二十三冊
第十六冊



故宮博物院編 海南出版社

故宮珍本叢刊第 181 冊廣東府州縣志第 16 冊(共 23 冊)

故宮博物院編

恩平縣志

高州府志

茂名縣志

化州志

第一冊(共二冊)

海南出版社

圖書在版編目(CIP)數據

故宮珍本叢刊.第181~182冊,地理.都會郡縣.廣東,[乾隆]恩平縣志、[乾隆]高州府志、
[康熙]茂名縣志、[乾隆]化州志/故宮博物院編.-影印本.-海口:海南出版社,2001.4

ISBN 7-80645-980-4

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06825 號

故宮珍本叢刊第 181 冊

廣東府州縣志第 16 冊(共 23 冊)

[乾隆]恩平縣志 [乾隆]高州府志 [康熙]茂名縣志
[乾隆]化州志

第一冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:30.5 印數:1-400 冊

ISBN 7-80645-980-4/Z·61

定價:5000 元(廣東府州縣志 52 種共 23 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

序

宮博物院藏書

九和曾共之念思乎也
治民而民治階政而政
修禮悌之至性人寸之布
振文為之布無乃議邇
南平書院于城東功既

序一

疏後輯志畧一編問序
於余、既序而還之且
告之曰天下事成居而
河帶之有大抵其時否
必存乎其人耳時未至而
為之跡也弗成也時至矣

為之或非其人妄也即其

且倖成務而求也其書

院之邇乃其成書院成而

志畧亦因以俱成豈費時

為之哉亦成乎人耳疏後

志畧其亦多矣也余聞之

序二

志畧後也魯論曰賢古淺

其大者其賢也如蓋識其

大者者思守之先為南思

卅明乃設縣其地固三百

里有其山川糾錯驛路

紛馳固阨塞之區也固安

之地耳建縣百年歷數
 十全未有言及縣志者至
 嘉靖時宋令得見人果誰
 棟舊稿乃嘆羊城電原
 纂為未閱五十餘年

國初修志後因兵燹而增

序三

蓋之迄今幾八十年矣繁
 費消磨舊帙散佚邑
 中已無完本矣豈一再
 索全未足以為也才令

聖王在上政令日新凡士雖大位
 之昭垂雖若陋而邑量不

藝苑歷度恩平雖僻小兒
 後七十餘年間其規模業
 系尚必月異而歲不同
 吾為邑人以紀載之其何
 資後來之考證乎縣志之
 修斯其時矣顧其若土左或

序四

以君為傳金視其述為後
 圖則當修而不修病在吾
 人非其時之不可也以君之
 為能以志書院在若縣事
 之考據之能議論之容
 正知必有大而觀者奈何久

而中舉也果曰唯之是也
 也不敢不勉時采才振旅
 權占學屬在君子相見日
 少旋亦忘之矣今歲六月
 按部還端江尹才謁余
 陳地方多畢出一編起而

序五

前日是縣志也予命屬州
 令郭墨稍定願賄搜覽
 更乞一序之昔余笑而應
 之曰是余志也庸何辭閱
 此書僅十卷門分類別
 蓋經在綱而詳畧得宜矣

取合備而徒勤竊陳言以
 新新曰在中華區之文墨之
 吏所能與之多軒輊哉獨
 惟其以可為之才受當為
 之位全思以事視志庶多
 缺失豈徒漢就產所動於

序六

中乃遲之又久不即為因宋
 后而後毅就為之而數月為
 遲召成書則其之才而予
 而及而凡有之成洵乎有
 其時亦存乎其人也余雖不
 敢自謂知人於恩平縣志

之成而庶乎知有環在矣

是為序 省

乾隆三十一年丙戌歲初秋

誥授中大夫廣東分巡鹽運使

直督水利督理古平關稅

務加二級又隨帶加一級

序七

紀錄之次陶治撰



國家德威遠播輝教四訖普
天率土咸我
皇輿內而

畿輔外而直省郡縣以及荒
陬遐甸奉朔服者其疆宇
之延袤山川之夷險民俗
之淳澆物產之豐嗇人文

序一

之榮悴賦役之重輕蓋大
一統志備矣觀於海者難
為水若通志若郡志渺乎小
哉况邑志乎雖然滙百川
以成海未嘗因海而廢
百川故不特省郡有志即
邑亦不可無志願前人作
之後人復從而修之何

序二

氣化有遷流制度有損益
時至而事起焉有其作之
則其源可溯有其修之而
後生流不竭也往者太守蒞
郡必徵圖志於所屬邑凡
以郡志所載皆本於縣志
而專舉其大要多略而不
詳地方利弊為長吏者

或心知之而口不能言或
能言之而纖悉端委又
更僕數之不能盡昧焉為
施主政事歆其無戾於
民其可得也若醫師然不
察脈而切理雖有參苓未必
溫涼寒熱之適於用也若
匠氏然不審曲而面勢雖

序三

有斧斤未必方圓平直之
協於矩也縣志者一邑之
脈理曲勢存焉顧不重哉
歲甲申肇慶缺守余奉
憲檄承其乏諸州邑長各
陳其地之圖志以備參考公
餘繙閱或一再脩或三四修
近者僅數年遠者且數十

年然皆有完本恩平志獨
散軼而不完余今作之俟令
脩之自康熙戊辰以來其
溯而不書者應年七十餘矣
維時令恩者潤渾進士曾
君青溪循良之吏固經術之
儒也其所著述必有大可
觀者將與議更修適君

序四

有潮陽之行議遂寢明年冬暮還恩平閏二月相見於郡齋偶詢及之君已闕館授餐激賢謀再輯矣未幾太守戴公至余還湮水不及見其成於心常感之焉秋七月書來報竣事且乞序弁其首余惟恩之為縣也自明成化始前之為郡為州為載在方冊班班可考也後之或割焉或附焉疆里非故矣星分可驗疆次不愆歟山川糾錯馬騶十三村等處故盜藪也深林密菁之間猶有伏莽存乎貴布帛賤羅紈風本

序五

樸也不日趨繁得乎羽毛卉木物產素饒今尚有之乎地多曠土報墾無虛日惟正之供幾何遷荒其盡復焉否也馬驛裁而往來少里甲廢而夫役均其果公旬不擾乎文教興矣士習端乎生齒繁矣民生厚乎兵防之設星羅而綦置者果緩急足恃乎鄉里之衆裡陶而樂淵者果冥頑盡化乎應代以秉策名於廷者幾人崇祀於鄉者幾人以孝義聞以節五著稱獨行者幾人邑有正佐學有師儒去而思殫而記

序六

者有人乎城池解宇祠廟
壇壝廢興者幾何修而
完者伊誰之力也灾祥水
旱古蹟遺事登諸籍者
皆信而可徵乎前人紀載
之文後人吟歌之什蒐羅
宜廣去取宜嚴能不遺不
謬乎魯魚亥豕舊版多訛

將一覽正耶抑瀾疑以
俟後來也余雖足跡未至
恩平疇昔圖志所見憐
憐於心目間者猶約略可記
也爰展卷覆按之一名一物
莫不備載而詳考焉辭不
支離論不穿鑿則居然史
筆之良也豈徒摘文揆落

序七

與古人學士爭一日之長
宗志余不及見以視後
志其高下軒輊必有能辨
之者他日
天子下尺一之詔博採遐蒐
命儒臣增修一統志以俟
禹幾之觀覽思邑雖小所以供
太史輶軒之採者知必以

是編為嚆矢焉於是乎序

省

乾隆歲在丙戌秋七月長

洲顧芝撰



序

縣有志何昉乎周官外史掌邦國之記記之為言志也藏於國則為史上之朝則為記明不敢與王史埒其實皆史也封建既廢易為郡縣史之名乃專屬之柱下掌其紀載之散見於郡縣者皆謂之志論者謂史貴簡而明志貴詳而核雖

序一

體裁不無小異其為記載之書一而已恩平設縣在明成化間至崇正乙亥宋君始為志當是時明運式微盜賊蠭起恩平固戎馬往來之地也為之令者方補苴罅漏之不遑何暇操觚論著述而宋君毅然能為之

國朝康熙二十五年伏莽初平元氣

序二

方復修君為宰復毅然增修之是二君者皆有功於恩者也嗣後遂無復修者前令何繆二君皆史才也慨然思修之卒亦不果蓋縣志之成若是其難焉余於乾隆庚辰六月蒞恩平去修君之時且七十餘年矣問志於掾吏則曰版蝕於蠹投諸火索紳士家得剩本亦殘

缺不可讀余乃撫然歎曰風化氣運之轉移科條政令之施設閱時而遷焉所藉以考信者惟此載籍之僅存耳而任其消沉磨滅焉如文獻何顧八官伊始簿書期會日不暇給固有志而未逮也既而攝篆潮陽至乙酉冬暮還恩平會巡憲陶公詢及之愜然益無以自

安乃於丙戌三月延寓賢選邦彥
局局授簡至六月而書竣凡十卷
首疆域別封圻也次建置明因革
也次記事備考核也次秩官昭職
守也穀芻牧則賦役有志洪陶淵
則禮樂有志嚴斥埃則兵防有志
樹典型則人物有志畜牧饒土地
之利則物產有志詞章發邦國之

序三

華則藝文有志他如星野之躔度
機祥之徵驗山川之流峙陂塘之
蓄洩風俗之淳澆學校闕乎風教
祭祀肅於彝章以及名宦鄉賢貞
娥淑媛繫人心之懲勸橋梁墟市
津渡亭臺關物理之盛衰凡一事
一物之微苟有關於志例莫不因
類附見故為目四十有九雖不敢

謂考據精詳足以信今而傳後於
是非好惡之公當不至大相刺謬
於前人已是役也原其始要其終
浮者汰之實者存之或當詳而詳
或當畧而畧友人澹廬周君實斟
酌而損益之余特發凡起例採取
舍之微權間以臆見附之餘論焉
耳若夫廣採訪慎校讐則邑紳士

序四

與有勞焉乾隆三十一年歲在癸
卯閏茂相月朔日閩中曾萼書於
南平官署



舊志序

宋志原序

厥初狃獠結繩可治大庭粟陸之世不知其幾千百歲而無紀也志之興也其於中古耶四方之志外史掌之所從來亦遠矣志在春秋素王素臣言之文行之遠其斯以爲志鵠乎雖甚僻小苟或邑之必或志之一閱之市三家之村肉賧酒簿猶有司焉惡其害已而皆去其籍則大亂之道也恩平新設之邑半設之員然自成化

恩平縣志

卷首 舊序

一

間立縣以來經如許歲年而志未立余叨任未幾臺檄取縣志無以應余甚病之詢于鄉先生梁叔建氏乃以其所輯志稿見示余獲之如獲拱璧屬羊城盧原甫至盧博雅士也臨叩見客非無作賦之才禹穴曾探又饒良史之識且萊蕪一甌嘗塵平原十日不具因取志稿屬之草創逾月告竣適余有考察錄囚文武兩闡之役遷延久之未竟修飾至仲冬始克就緒付之梓其義例倣郡志間有併有省則相其宜存其質

也爲目十有一曰事紀曰秩官曰選舉曰建置

曰賦役曰兵防曰地理曰祠祀曰列傳曰藝文偶合以天數五乘地數六之數嗟乎以

恩僻小之鄉兼余淺昧之識而欲翔備乎文獻

誠不自量第幸兩君子推之挽之辟諸蒐獵梁

則力而驅諸原盧則割而登之釜余特劑調嚼

啜之使適於口而已諺曰跳則鹿鳥則肉吾能

無內愧乎哉崇禎九年丙子仲冬長至之吉

知恩平縣事 撰

恩平縣志

卷首 舊序

二

宋志何序

古者列國有史世史職之於是乎業不分法不撓矣乃今守令之視郡邑猶遽廬耳始入境風土謠俗不及知卽知之不及察久之謦矣凡諸廢置因革不及行將載筆而籍之日不暇給藉令儉咨諏而疏考核其足述足傳也者幾希何所病之病無微也乃今縉紳學士視鄉先生都鄙所藏視閭史閭府其言不越乎邱里詎非家至而目見之顧琬琰相持瑕瑜相掩瑜而琬則

恩平縣志

卷首 舊序

三

然無當瑕而瑕則灑然目攝之彼將幸得免
 十鄉人玉石糅矣卒之聲不中窾其足述足傳
 也者又幾希何所病之病不尊也晉楚大矣春
 以魯特聞素王志在春秋其文則史即匹夫
 天子事將安罪之古今作者無慮百家而太
 史公最著班范次焉下此蔑如已今之恩平在
 嶺外爲端之屬邑建自純皇帝中年謠俗難稽
 因革靡定今未令君下車曾不踰載而風土謠
 俗劃然胸中因革廢興燦然指掌得舊志稿于
 邑人維棟梁君屬余郡人盧原甫爲之稽核受
 輯令君手自撮其成而章其美爲目十一曰縣
 紀次官曰選舉曰建置曰賦役曰兵防曰地
 里曰祠祀曰列傳曰雜記曰藝文纒纒備矣足
 反家言矣寧玉無石寧瑜無瑕可述可傳足
 其信庶幾非不尊之爲病也余社人歐子建
 其槩以壽於梨余休沐山居得寓目斯志
 思先年侍吾師樊致虛先生而知奉新朱
 才也令君二仲乙卯魁豫章又出吾郡

志

卷首 舊序

四

寬其用經術而飭吏治者耶盧原甫則余
 人孝廉君猶子其史學亦有師承今得附令
 以爲不朽亦千載一時哉令君聞之懸此志
 國門以待觀風者之采幸先以不佞言質之
 如昔崇禎丁丑歲夏日賜進士出身東閣大
 士禮部尙書知經筵日講實錄總裁王牒提
 前協理詹事府事禮部右侍郎正詹事兼翰
 林院侍讀學士左右春坊掌坊事庶子論德中
 來翰林院侍讀知制誥官翰林院國史編修
 山何吾聯撰
 志盧序
 己亥當神宗顯皇帝之萬歷二十有六年
 東粵左轄山陰王公泮大修省志聘鄉先
 人總裁其事郡邑名諸生十人分修十郡先
 父廷龍領肇慶一府之屬原甫弱齡執筆從
 明年庚子世父舉孝廉以計偕行時志草已
 完屬原甫力以復當事者至今宛然在胸臆

間也原生也賤少多奇病自先君子謹閣上章還不幸而早世依依慈母拮据勞瘁不能苦事鉛槧甫成就而又會先世父捐館舍家難叢生賣白雲之田駕青雀之舫浮三湘窮七澤週吳越遍五湖一十六年歸而泊珠江之上鷓鴣一渡且未遂安亡何游嶺以西入瀧江旋駐端州進而游恩州卽今恩平縣訪豫章宋元孔令公豫章原舊遊令公才名重海內聲氣之投固非一日風流愛客不減臨邛下榻雲松觴咏間以

恩平縣志

卷首 舊序

五

其治邑之志事相屬噫原何人斯梁園授簡先魂相如石渠載筆敢効馬遷而敢當斯任令公愛逾誠而委愈篤誼不容辭且謂恩平從未有志之者因憶原三十年前胸臆間事欲歸而按前稿恩平一屬豈不具在逼于家難流離連牀充棟之書先人手澤竟無從覓徒增傷嘆幸而令公先得邑人梁叔建先生草本一帙恐其未備令公復蒐求郡乘博採羣情原得以散秩橫襟摻其遺以補其漏存其要以芟其蕪時紀光

恩平縣志

卷首 舊序

六

大隨行侍事命其攷畫輿圖指陳阨塞使入其地者見志之所臚列爲不誣也雖然邑有新故治有緩急物有簡鉅爲之志者務縷析而次序之庶幾無紊焉觀夫自有封域則有盛衰世運迭更沿革匪一必先之以縣紀縣紀既詳民安物阜不賴官師其何以統故次之以秩官蔚然霧變代豈乏奇微辟道袁科貢斯顯次之以選舉官有署師有序倉場解宇表厥常儀城郭橋梁悉資營度次之以建置君子竭其謀小人輸其力食土之毛其誰不供車轍馬塵通衢孔瘁次之以賦役龍蛇之生多在山澤戈矛甲盾以備不虞次之以兵防天道旋於上地軸轉於下山川險易彼此殊形隄岸險壑物利攸藉次之以地理祭明馨也不秩則黷文教聿昭敬修秩祀次之以祠祀畏壘桐鄉無忘俎豆潛貞顯烈儒俗以興星夕霜朝有隕無二汎栢和九俱可以風也次之以列傳族聚類蕃列閭錯野生民嗜慾不一其性居處宴會不一其習不礙風聞

傳諸觀記次之以襍志鳳有苞麟有紱點纈寒
英絢諸霞承殘膏賸馥膾炙千秋一言信史永
賴斯文而收之以藝文原竊謂信則傳疑則闕
志意也詳而不索賸而不穢此原之所以志意
也是役也崇 丙子月既望入恩平越十日
而受斯命適令公以公行入郡一月而志草成
又十日謝主人行原性懶不能遍謁諸名公訪
採輿論時惟梁叔建一人相與周旋管窺如此
潤飾取裁是在令公也是在令公也昔崇 丙

恩平縣志

卷首 舊序

七

子長至之吉羊城盧原謨

宋志先序

恩平向無志志自今令宋公始宋公豫章鴻材
初莅茲邑即過端溪訪不佞可貞于敝署若謂
貞也武臣職雖多可策封疆之要不佞遜謝
不敏宋公藹然其容燦然其色攢眉而相質曰
四境多虞民不堪命政安施也不佞相與策之
一邑彈丸萬山盤錯東南漲海帶以風濤壘而
守之責誰歸乎守備一官司曰恩陽顧名思義

職誰諉乎開平一屯紙上虛文有名無籍咎誰

任乎以山海衝要之區四氓遊食曠野秦蕪一

望千頃不佞開墾為息農倡今荷鋤相應乎宋

公唯唯亦既次第舉之甫閱朞而政成事理闕

邑晏然乃以暇力成而邑志又屬社友盧原甫

問序不佞不佞又謝不文矣原甫再三強之貞

也武臣職在封疆復以封疆序之可乎夫海波

之民多生而智然其敝也必文而僿山峒之民

多近於仁然其敝也且質而悍民僿且悍封疆

恩平縣志

卷首 舊序

八

盡也矧五方之僇為山海逋逃藪宋公下車週

詢先之移開平于城郭移守備于近郊移把總

于舊縣志曰不朽宋公業有成矣不佞敢請益

者千里之封匪一丸也九河之防匪一塊也時

屈舉羸匪膠執也因地之利得人之宜請於嶺

南衛所之籍召其樂遷之戍授之屯墾曹其糗

糧育其子弟予之賓興國費公稱而守者可集

千人恩其永底厥平乎嘗稽諸易山下出泉厥

象為蒙蒙之利用開也山上有澤厥象為咸咸

之利用蓄也樂只君子願於此三致意原甫曰
宋公之衛封疆也不遺餘力及其修邑乘也亦
不遺餘力茲志之成冠以經圖而次第所列十
有一卷若子所云直窺豹一斑耳不佞稽首又
謝傳固有之土地人民政事邑之寶也庶而富
教政之經也貞也武臣不敢及文獻事謹敘封
疆以答志者詩曰敷政優優百祿是迺宋公有
焉原甫唯唯爰敬書之末簡昔崇正丁丑夏四
月之吉南海朱可貞撰

恩平縣志

卷首 舊序

九

宋志梁序

夫志所以紀風俗載典故別善惡以昭往鑒來
厥係豈渺小哉恩平縣自成化戊戌迄今百有
餘禩而志未就豈非缺典萬歷戊戌秋督府陳
爲通志之纂檄各府州縣緝其舊志以聞而恩
之刻本無以應也翁源何師署學事承督府之
命惟謹謬察棟于儔伍中而付茲役棟固辭而
固弗免爰取前輩所紀傳者縱觀之則慨三難
焉夫孔子作春秋其事桓文其文史義則自謂

竊取之事非文不傳文非義不斷義以命文

以敘事是謂三長今前無文史之可乘而蕪穢
謏劣卽片語亦當新撰則創構之難萬歷弓田
後冊籍攤移畝例絲分賦亦繇之而兵戎更置
廩餉靡常則推算之難名宦人物原無衡論而
欲一一訪其生平立之列傳以垂勸懲則考覈
之難以此三難加之不敏其何以稱督府至意
以無負翁源知人之明也者爲此踟躕屢橐筆
焉已熟思之與其畏難而止使一邑鉅典終屬
淪沒無寧畢才而赴據實而紀以備觀風者一
擇亦足爲理道資者於是單精博採矢志裁訂
抵歲暮而稿始成爲例十有二始之以地理而
疆域列矣表之建置正之祀典紀之賦役嚴之
兵防以秩官者昭其序以選舉者登其名以名
宦者錄其績以人物者覈其實以貞烈者彰其
節以文藝者採其工至事變祥異道之聞也咸
亦論次付雜志焉經世君子棄其詞而採其實
商榷推行以期實用則督撫命修至意其不虛

恩平縣志

卷首 舊序

十